

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 Ip 120352 25 Ip
Bugojno, 26.11.2025. godine

OPĆINSKI SUD U BUGOJNU, stručni saradnik Selma Kaltak Jusufspahić, u izvršnom postupku tražioca izvršenja Razvojna Banka Federacije BiH, sa sjedištem na adresi Igmanska broj 1, Sarajevo, zastupana po v.d. Predsjedniku uprave Borislavu Trlin, protiv izvršenika EURO LANA d.o.o. Gornji Vakuf-Uskoplje, sa sjedištem na adresi Voljevac bb, Gornji Vakuf – Uskoplje, zastupana po zastupniku po zakonu- direktoru Zijadu Omeragić, radi izvršenja radi naplate duga, vrijednost spora 70.800,00 KM, uvećano za sporedna potraživanja, donio je dana 26. 11. 2025. godine sljedeći:

Z A K L J U Č A K
o drugom ročištu za prodaju nekretnine

1. Određuje se druga prodaja usmenim javnim nadmetanjem nekretnine označene kao k.č. br. 1727/2 iz zemljišnoknjižnog uloška broj 223 k.o. SP_Privor.
2. Nekretnina iz tačke 1. je vlasništvo izvršenika EURO LANA d.o.o. Gornji Vakuf-Uskoplje, na kojoj je upisana zabilježba rješenja o izvršenju broj: 46 0 Ip 120352 25 Ip od 7. 1. 2025. godine u korist tražioca izvršenja.
3. Vrijednost opisanih nekretnina utvrđena je nalazom sudskog vještaka građevinske struke Enise Pašalić iz Donjeg Vakufa u iznosu od 74.977,80 KM.
4. Na drugom ročištu za prodaju usmenim javnim nadmetanjem nekretnina se ne može prodati ispod 1/3 utvrđene vrijednosti iz tačke 3.
5. Na ročištu za javno nadmetanje kao kupci mogu učestvovati lica koja su do početka nadmetanja položila osiguranje koje iznosi jednu desetinu utvrđene vrijednosti nekretnine za koju se prijavljuje za nadmetanje s tim što osiguranje ne može iznositi više od 10.000,00 KM. Prije početka nadmetanja ove osobe su dužne Sudu predati dokaz da su osiguranje platile na depozitni račun Općinskog suda u Bugojnu broj 1011300000295629. Ponuđačima čija ponuda nije prihvaćena, osim za tri najbolja ponuđača, vratit će se osiguranje odmah nakon zaključka javnog nadmetanja. Ročište za javno nadmetanje održat će i kad sudjeluje samo jedan ponuđač.
6. Ponuđačima čija ponuda nije prihvaćena, osim za tri najbolja ponuđača, vratit će se osiguranje odmah nakon zaključka javnog nadmetanja. Ročište za javno nadmetanje održat će i kad prisustvuje samo jedan ponuđač.
7. Ponuđač sa najvišom ponudom na ročištu plaća ukupnu prodajnu cijenu umanjenu za položeno osiguranje polaganjem cijene sudu u roku od 30 dana. Ukoliko ponuđač sa najvećom ponudom ne deponuje prodajnu cijenu u ovom roku sud će zaključkom proglasiti prodaju tom ponuđaču nevaljanom i novim zaključkom odrediti da je nepokretnost prodana drugom po redu ponuđaču koji treba da u roku od 30 dana od dana prijema ovog zaključka sudu deponuje prodajnu cijenu. Ukoliko drugi ponuđač ne položi cijenu u predviđenom roku sud primjenjuje ova pravila i na trećeg ponuđača. U slučaju da sva tri ponuđača sa najvišom ponudom ne ispune svoje obaveze plaćanja prodajne cijene u određenim rokovima, sud će oglasiti da prvo ročište nije uspjelo i zakazati novo ročište.
8. Kupac preuzima služnosti i stvarne terete na ovoj nekretnini ukoliko ih ima.
9. Troškovi poreza i takse u vezi sa prodajom ove nekretnine plaća kupac.

10. Ročište za drugu prodaju nekretnine izvršenika održat će se **dana 14. 1. 2026. godine u 12:00 sati, u zgradi Općinskog suda u Bugojnu, soba broj 4**, na koje se pozivaju tražilac izvršenja, izvršenik, Porezna uprava F BiH i zainteresovana lica kao kupci.
11. Ovaj zaključak objaviće se na oglasnoj tabli suda, a stranka može o svom trošku zaključak objaviti i u sredstvima javnog informisanja.

Stručni saradnik

Selma Kaltak Jusufspahić

Pouka o pravnom lijeku:

Protiv ovog zaključka nije dopušten pravni lijek.